



Broj: 07/2-14-69/18
Vogošća, 05.07.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 05.07.2018. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU RAČUNARA I REZERVNIH
KOMPONENTI IT OPREME ZA POTREBE OPĆINE VOGOŠĆA U 2018. GODINI**

Član 1.

Ponuda ponuđača "Printex" d.o.o. Sarajevo, ulica Hasana Sušića broj 9. i 11. Sarajevo, odabrana je za nabavku računara i rezervnih komponenti IT opreme za potrebe Općine Vogošća u 2018. godini, kao najpovoljnija ponuda po kriteriju najniže cijene, sa ukupnom cijenom nabavke u iznosu od 46.908,00 KM bez PDV-a, odnosno 54.882,36 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 11.05.2018. godine donio Odluku o pokretanju Otvorenog postupka nabavke računara i rezervnih komponenti IT opreme za potrebe Općine Vogošća u 2018. godini, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 15.05.2018. godine pod brojem: 1353-1-1-72-3-39/18. Ispravka Obavještenja o nabavci broj: 1353-1-1-72-8-42/18, objavljena je na Portalu javnih nabavki BiH dana 28.05.2018. godine.

Sažetak Obavještenja o nabavci objavljen je u "Službenom glasniku BiH" broj: 32/18 od 18.05.2018. godine, kao i sažetak Ispravke Obavještenja o nabavci koji je objavljen u "Službenom glasniku BiH" broj: 36/18 od 01.06.2018. godine.

Tendersku dokumentaciju sa Portala javnih nabavki BiH je preuzelo 35 (trideset i pet) ponuđača. Krajnji rok za dostavu ponuda bio je 07.06.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 07.06.2018. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07/2-14-69/18 iz maja 2018. godine kao i Izmjeni Tenderske dokumentacije iz istog mjeseca, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Elur" d.o.o. Kiseljak	54.126,00	/	/	63.327,42
2	"R&S" d.o.o. Sarajevo	53.843,44	/	/	62.996,82
3	"Printex" d.o.o. Sarajevo	53.754,23	/	/	62.892,45
4	"Emado" d.o.o. Sarajevo	53.711,00	/	/	62.841,87
5	"Aspo Rail" d.o.o. Sarajevo	53.705,00	/	/	62.834,85

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača **"Aspo Rail" d.o.o. Sarajevo**, ne ispunjava formalno-pravne uslove tražene Tenderskom dokumentacijom i to:

Dana 22.05.2018. godine Općina Vogošća kao Ugovorni organ je zaprimila žalbu na tendersku dokumentaciju broj: 07/2-14-69/18, koja je objavljena na Portalu javnih nabavki BiH dana 15.05.2018. godine zajedno sa obavještenjem o nabavci broj: 1353-1-1-72-3-39/18, izjavljenu od strane ponuđača "D&D Montaža" d.o.o. Brčko zastupanog putem advokata Dražena Nikolića iz Bijeljine.

Razmatrajući predmetnu žalbu Ugovorni organ je utvrdio da je ista blagovremena, dopuštena i izjavljena od ovlaštenog lica, te je uvažavajući žalbene navode Žalitelja odlučeno da se Žalba riješi u prvostepenom postupku na način da se izvrši izmjena TD.

Ugovorni organ je izvršio izmjenu TD na način da je ponuđačima dostavljen korigovani-novi Obrazac za cijenu ponude-Aneks 2 TD sa izvršenim ispravkama, te je isti zajedno sa Ispravkom obavještenja o nabavci broj: 1353-1-1-72-8-42/18 objavljen na Portalu javnih nabavki dana 28.05.2018. godine.

Ponuđač "Aspo Rail" d.o.o. Sarajevo je preuzeo Izmjenu TD, a što je jasno vidljivo iz Izvještaja o preuzimanju tenderske dokumentacije od strane ponuđača sa Portala javnih nabavki od 07.06.2018. godine.

Međutim, ponuđač "Aspo Rail" d.o.o. Sarajevo je u svojoj Ponudi (strana broj: 8-11 Ponude) umjesto Izmjenjenog Obrasca za cijenu ponude-Aneksa 2 TD dostavio Obrazac za cijenu ponude koji je bio prvobitno objavljen uz TD, na kojeg su se i odnosili žalbeni navodi gore pomenutog žalitelja i koji je bio predmetom izmjene TD. Također, uz stari Obrazac za cijenu ponude ponuđač je u svojoj Ponudi (strana broj:12-13 Ponude) dostavio i Tabele za dokazivanje-izjašnjenje ponuđača kojima se dokazuje ekvivalent ponuđenih procesora, a koje su bile sastavni dio Izmjene TD od 28.05.2018. godine.

Tačkom 8.2.1. stav 3. TD a u skladu sa članom 58. Zakona je propisano da Ponuda mora da sadrži sljedeće elemente i to Obrazac za cijenu ponude, sačinjen i popunjen u skladu sa šemom koja je data u Aneksu 2. tenderske dokumentacije, ovjeren i potpisan od strane

ponuđača. Komisija za javne nabavke smatra da Obrazac za cijenu ponude-Aneks 2 TD koji je dostavljen u Ponudi ponuđača "Aspo Rail" d.o.o. Sarajevo ne ispunjava zahtjevane uslove koji su postavljeni u TD kao i u Izmjeni TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda kao i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Elur" d.o.o. Kiseljak,
- "R&S" d.o.o. Sarajevo,
- "Printex" d.o.o. Sarajevo i
- "Emado" d.o.o. Sarajevo

ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom.

Komisija za javne nabavke je zatim pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon prethodno utvrđenih činjenica, Komisija za javne nabavke je sačinila Rang listu u Otvorenom postupku nabavke računara i rezervnih komponenti IT opreme za potrebe Općine Vogošća u 2018. godini kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Printex" d.o.o. Sarajevo	46.908,00	54.882,36
2	"R&S" d.o.o. Sarajevo	46.963,00	54.946,71
3	"Elur" d.o.o. Kiseljak	52.200,00	61.074,00
4	"Emado" d.o.o. Sarajevo	52.390,00	61.296,30

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Printex" d.o.o. Sarajevo, za nabavku računara i rezervnih komponenti IT opreme za potrebe Općine Vogošća u 2018. godini, sa ponuđenom najnižom cijenom tehnički zadovoljavajuće ponude u iznosu od 46.908,00 KM bez PDV-a, odnosno 54.882,36 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Elur" d.o.o. Kiseljak
2. "R&S" d.o.o. Sarajevo
3. "Printex" d.o.o. Sarajevo
4. "Emado" d.o.o. Sarajevo
5. "Aspo Rail" d.o.o. Sarajevo
6. Nadležnoj Službi
7. U dosije
8. a/a

030/877-171
033/476-390
033/445-573
033/836-087
033/205-409

OPĆINSKI NAČELNIK

Edin Smajlić